

# SCRIPTA

**Numéro Scripta :** 1092

**Auteur(s) :** Thomas de Fréauville, Bayeux (évêque)

**Bénéficiaire(s) :** Richard de Fleury, Bayeux (archidiacre)

**Bénéficiaire(s) :** Garnier de Fleury, Bayeux (chanoine)

**Genre d'acte :** charte

**Authenticité :** non suspect

**Datation :** 1235

**Action juridique :** autre

**Langue du texte :** latin

## Analyse

Thomas de Fréauville, évêque de Bayeux, le doyen et le chapitre permettent que 4 livres tournois seront prises annuellement sur les maisons édifiées à grands frais à Castillon et à Bayeux, pour la prébende de Castillon, par l'archidiacre Richard de Fleury et son neveu Garnier de Fleury, chanoine, pour être distribuées par moitié à leurs obits.

## Tableau de la tradition

### Éditions principales

- a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCCI, t. 2, p. 22-23.

Texte établi d'après a

Omnibus Christi fidelibus præsentes litteras inspecturis, Thomas, divina sustinentia episcopus, Odo, decanus, et capitulum Baiocense, in Domino salutem. Noverit universitas vestra quod nos, pensatis expensis quas fecerunt dilecti in Christo bonaë memoriae Ricardus de Floriaco, quondam archidiaconus, et Garnerius, nepos ejus, canonicus Baiocensis, in ædificandis domibus in præbenda de Kasteillon, videlicet in grangia de Kastellon, et apud Baiocas in masuagio sito inter domum præbendæ de Kastelleio et domum quam Willelmus de Chambremer, canonicus Baiocensis, tenet de nobis capitulo nominato, cum ejusdem præbendæ, quam prædictus Garnerius possidebat, redditus ad tantum ædificium construendum minime sufficere videremus, ipsis concessimus, et præsentis scripti testimonio sigillorum nostrorum appensionibus roborati duximus confirmandum, ut, post decessum Guarnerii, successor illius in præbenda, si domos, quas dicti Ricardus et Guarnerius apud Baiocas ædificaverunt, inhabitandum duxerit, quatuor libras usualis monetæ, videlicet in obitu dicti Ricardi quadraginta solidos, et in obitu Guarnerii alios quadraginta nobis capitulo solvere tenebitur annuatim, diebus obituum prædictorum distribuendos juxta consuetudinem ecclesiæ Baiocensis. Si vero ejusdem præbendæ canonicus domos non habitaverit supradictas, quicquid ex eorum (sic) locatione haberit poterit in usus ipsorum obituum convertetur, et ad nos capitulo earumdem domorum locatio pertinebit. Ceterum idem Garnerius, quamdiu præbendam possederit memoratam, quadraginta solidos in obitu ipsius advunculi sui persolvet nobis capitulo annuatim. Actum anno Domini millesimo ducentesimo trigesimo quinto.